

## He Ngohe Aromatawai ā-Roto Mō ngā mahi whakamahere anake

**Te Ingoa o te Ngohe:** Te Whare Tū Taua

**Aronga:** Ngā Mahi a te Rēhia 1.1B

**Paerewa Paetae:** Ngā Mahi a te Rēhia 1.1

**Kaupae:** 1

**Whiwhinga:** 5

---

### He Tohutohu mā te Ākonga

---

#### I tēnei ngohe

I tēnei ngohe, ka rangahau koe i ngā kōrero tuku iho o tētahi tikanga o Te Whare Tū Taua.

#### Te horopaki

Ko tāu nā mahi he whakarite whakaaturanga mō ngā kōrero tuku iho o tētahi tikanga o Te Whare Tū Taua.

Māu tētahi tikanga e kōwhiri hei kaupapa rangahau māu. Kātahi ka whakarite whakaaturanga koe mō te/ngā kōrero tuku iho e hāngai ana ki taua tikanga.

Ka aromatawaingia tāu whakamārama i ngā kōrero tuku iho o tētahi tikanga o Te Whare Tū Taua.

#### Hei mahi

Kōwhiria tētahi tikanga o Te Whare Tū Taua, hei tauira, ko te mātātaki, te whakapakari tinana, ngā momo tū.

Āta rangahaua ngā kōrero tuku iho mō taua tikanga. Ko ngā kōrero tērā e hāngai ana ki ngā atua, tipua, taiao, hītori, tae atu ki ngā kōrero katoa mō te pūtakenga mai o taua tikanga toi. Ko te tūmanako ia, kia kimihia, kia rangahaua ngā kōrero nō tōu ake iwi/rohe.

Whakaritea mai tāu nā whakaaturanga. Kei a koe anō te tikanga mō te momo whakaaturanga, arā pea, he whakatū rākau, he kauhau, he hopunga ataata, he whakaari, he aha atu rānei. Ko te tikanga ia, kia whakamārama atu koe i ngā kōrero tuku iho me ngā kōrero pūtake kua kitea e koe.

## Kōrero Āpiti

|                |                                                                                                                                                                                                                                              |
|----------------|----------------------------------------------------------------------------------------------------------------------------------------------------------------------------------------------------------------------------------------------|
| ariā toi rēhia | <p>Ko ngā kaupapa/whakaaro/kōrero e noho ana hei tūāpapa mō tētahi mahinga/tikanga toi, i toko ake ai taua mahinga/tikanga toi.</p> <p>Hei tēnei ngohe, ko te ariā toi rēhia ko ngā kōrero tuku iho o tētahi tikanga o Te Whare Tū Taua.</p> |
|----------------|----------------------------------------------------------------------------------------------------------------------------------------------------------------------------------------------------------------------------------------------|